



Inatsisartuni ilaasortaq,
Sofia Geisler, Inuit Ataqtigiit
Maani/

§ 37 naapertorlugu apeqquteqaammut nr. 333 2018 piniakkat killilersukkat pillugit tunngasumut akissuteqaat

Inatsisartut suleriaasissaanni § 37-mi imm. 1 naapertorlugu apeqqutinik Naalakkersuisunut nassiussaqaarsimavutit, piniakkat killilersukkat pillugit. Apeqqutitit uanga suliassaqaarfigisannut akisassanngortinneqaarsimapput.

Uunga 1) §37 naapertorlugu apeqqutinnut 321-2018-mut akissumminni Naalakkersuisut allapput, ukiaq ingerlanerani Naalakkersuisoqarfik piniartunit, inuinnarnit, piniarnermut nakkutilliusunit, politiinit kommuniniillu piniakkanik killilersukkanik piniarneq kiisalu piniakkat killilersukkat atornerarneri pillugit piniarnermut aallaaniarnermullu inatsimmik unioqqutitsinernik tunngasunik takunnissimanernik pasilliutinillu tigusaqaarsimasoq.

Ulloq 14. november 2018 apeqquteqaat aallaavigalugu Inatsisartuni oqallineq pivoq, sammineqarluni Jens Napaattuup (PN) oqallisissiaa piniakkat killilersukkat Avanersuaq, Ittoqqortoormiut Tasiilarlu eqqarsaatigalugit killilersorneqarunnaarnissaat anguniarlugu oqallisissiaq.

Piniakkanik killilersukkanik piniarneq kiisalu piniakkat killilersukkat atornerarnerat pillugu piniarnermut aallaaniarnermullu inatsimmik unioqqutitsinermik tunngasunik pasilliinerit takkussimasut pillugit Naalakkersuisut aamma Piniarnermut, Aalisarnermut Nunalerinermullu Naalakkersuisoq ulloq 14. November 2018 ilisimareersimavaat?

Akissut:

Naalakkersuisoqarfik ukioq kaajallallugu piniakkanik killilersukkanik piniarneq kiisalu piniakkat killilersukkat atornerarnerat pillugu piniarnermut aallaaniarnermullu inatsimmik unioqqutitsinermik tunngasunik pasilliinernik Nunatsinni tamanit tigusaqartarpoq. Allafissornikkut inatsilerinikkullu suleriaatsit malillugit sulineq aallartittarpoq naammassinnissaata tungaanut.

Uunga 2) Apeqqut 1 angerneqarpat: ulloq 14. November 2018 inersuarmi oqallinnerup qiterisaa innersuussutigalugu: Piniakkanik killilersukkanik piniarneq kiisalu piniakkat killilersukkat atornerarnerat pillugu piniarnermut aallaaniarnermullu inatsimmik unioqqutitsinermik tunngasunik nalunaaquteqartoqaarsimanera sumik patsiseqartumik Naalakkersuisut kiisalu Piniarnermut, Aalisarnermut Nunalerinermullu Naalakkersuisup Inatsisartunut ilisimatitsissutiginnigilaat?

Akissut:

UKA 2018/60 aamma 234 piniakkat killilersukkat Avanersuarmi, Ittoqqortoormiini Tasiilamilu killilersorneqarunnaarnissaat pillugu oqallinneq sumiiffinni taakkunani aalajangersimasumik oqallinneruvoq 2018-imi piniarnermut aallaaniarnermullu inatsimmik unioqqutitsinermik tunngassuteqarnani. Inatsimmik unioqqutitsinermik pasilliinerit nalunaarutit

Ulloq: 18-01-2019
Suliap normua: 2019 - 1275
Akt normu: 9849140

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apn@nanoq.gl
www.naalakkersuisut.gl

taaneqartut politiinut unnerluutigineqarsimapput suliassarlu politiinut taamatut suliasanngortinneqarsimalluni.

Uunga 3) Ulloq 6. December 2018 qilalukkanik qernertanik politikkikkut aalajangikkamik Naalakkersuisut pisasseeqqipput, tassalu Qimusseriarsuarmut kiisalu Qeqertarsuup Tunuanut.

Ulloq 6. December 2018 aalajangiinerminni Naalakkersuisut ilisimasimavaat piniakkanik killilersukkanik piniarneq kiisalu piniakkat killilersukkat atorineqarnerat pillugu piniarnermut aallaaniarnermullu inatsimmik unioqutitsinermik tunngasunik nalunaaruteqartoqarsimanera, Upernaviup eqqaa Qeqertarsuullu Tunua aamma tassani ilaallutik?

Akissut:

Apeqquut 1-imut akissut innersuunneqarpoq. Piniarnermut aallaaniarnermullu inatsimmik unioqutitsinerit Naalakkersuisoqarfiup politiillu akornani allaffissornikkut suliaasarpur. Naalakkersuisut suliat ataasiakkaat Inatsisartut oqaluttarfianiit suliarineq ajorpaat.

Uunga 4) Apeqquut 3 angerneqarpat: Pisasseeqqittoqarnissaanik politikkikkut aalajangikkamut ullormi 6. December 2018 aalajangernerminni suna tunngaviuva, tassani ilisimareerineqarsimappat piniakkanik killilersukkanik piniarneq kiisalu piniakkat killilersukkat atorineqarnerat pillugu piniarnermut aallaaniarnermullu inatsimmik unioqutitsinermik tunngasunik nalunaaruteqartoqarsimanera, tassani ilaallutik Upernaviup eqqaa aamma Qeqertarsuup Tunua?

Akissut:

Apeqquut 3-mut akissummut innersuutigineqarpoq.

Uunga 5) Apeqquut 3 angerneqarpat: Immikkut pisasseeqqittoqarnissaanik Naalakkersuisut aalajangernerminni qulakkeersimavaat immikkut pisassiissutaasut piniartunut maleruagassanik unioqutitsinngitsunut tutsinneqarnissaat?

Akissut:

Pisassiissutit aalajangersarneqareeraangata, aqutsiveqarfinnut agguaassineq komunimit akisussaaffinngortarpoq. Naalakkersuisunit tamanna kommunit ataasiakkaat pisassiissutit agguaanneqarneranni suliaqarnerminni eqqumaffigissagaat naatsorsuutigineqarpoq.

Uunga 6) Piniarnermut aallaaniarnermullu inatsimmik unioqutitsisoqarsimaneranut tunngasut pillugit politikkikkut aalajangikkamik pisasseeqqinnissaq sioqqullugu Piniarnermut, Aalisarnermut Nunalerinermullu Ataatsimiititaliaq Naalakkersuisumit ilisimatineqarpa?

Akissut:

Inatsisartut Aalisarnermut, Piniarnermut Nunalerinermullu ataatsimiititaliaat Aalisarnermut, Piniarnermut Nunalerinermullu Naalakkersuisoq novembarip 25-iani 2018 siunersiorneqarnissamut aggersarneqarnerani ataatsimiititaliaq ilisimatineqarpoq Naalakkersuisoqarfik sumiiffinni assigiinngitsuniit unioqutitsilluni piniarnermik pasillinerimut nalunaarutiniq arlalinnik tigusaqarsimasoq. Siunersiunermut atatillugu allakkatigut ilisimatitsissut tunniunneqarpoq.

Uunga 7) Apeqquut 6 angerneqarpat: Ataatsimiititaliamut ilisimatitsineq qanga piva?

Akissut:

Apeqput 6-imut akissummut innersuutigineqarpoq.

Uunga 8) §37 naapertorlugu apeqquteqaammut 321-2018-mut akissutitigut ersertoq piniarnermut aallaaniarnermullu inatsimmik unioqqutitsisimanermut tunngasut qangarpiaq Naalakkersuisut ilisimalerpaat?

Akissut:

Qilalukkat qaqortat qernertallu pillugit unioqqutitsilluni pasilliinermut nalunaarut Naalakkersuisoqarfiup siulleg maajip 23-iani 2018 tiguaa.

Nannut pillugit Naalakkersuisoqarfiup unioqqutitsilluni piniarneq pillugu nalunaarut siulleg januaarip 19-iani 2018 tiguaa.

Aarrit pillugit Naalakkersuisoqarfiup unioqqutitsilluni piniarneq pillugu nalunaarut siulleg apriliip 6-iani 2018 tiguaa.

Arferit anginerit pillugit unioqqutitsilluni pasilliinermut nalunaarut Naalakkersuisoqarfiup siulleg juunip 30-iani 2018 tiguaa.

Tuttuni umimmannillu unioqqutitsilluni piniarneq pillugu nalunaarut siulleg septembarip 20-iani 2018 tiguaa.

Timmissat pillugit unioqqutitsilluni pasilliinermut nalunaarut Naalakkersuisoqarfiup siulleg juulip 4-aani 2018 tiguaa.

Taaneqareertutut piniarnermut aallaaniarnermullu inatsimmik unioqqutitsinerit Naalakkersuisoqarfimmiit politiinillu suliarineqartarput. Suliat ataasiakkaat Naalakkersuisuni suliarineqarneq ajorput.

Uunga 9) Piniarnermut aallaaniarnermullu inatsimmik unioqqutitsisoqartillugu – piniakkat killilersukkat taakkulu qanoq atorneqarnerannut tunngasut eqqarsaatigalugit – piniarsinnaanermik allagartanik arsaarinnittoqartarnissaa Naalakkersuisut eqqarsaatigaat?

Akissut:

Arlaleriarluni unioqqutitsinerimi, akisussaassuseqanngitsumik sakkortuumik iliuuseqarnermi imaluunniit piniarnermi inummik ajoqusiinerimi Naalakkersuisut piniarnermik allagartamik arsaarinnissuteqarnissamut periarfissaqarpoq. Unioqqutitsilluni piniarnerit politiinit suliarineqartarput unioqqutitsinerlu apeqqutaalluni pineqaatissiisarlutik, inatsimmi pineqaatissiissutit pillugit § 17 atorneqartarpoq, kiisalu nalunaarutini pineqaatissiisarneq pillugu aalajangersakkat.

Inussiarnersumik inuulluaqqusillunga



Nikkulaat Jeremiassen

Aalisarnermut, Piniarnermut Nunalerinermullu Naalakkersuisoq



27. december 2018

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

Naalackersuisunut apeqquq:

1. §37 naapertorlugu apeqququtinnut 321-2018-mut akissumminni Naalackersuisut allapput, ukiap ingerlanerani Naalackersuisoqarfik piniartunit, inuinnarnit, piniarnermut nakkutilliisunit, politiinit kommuniniillu piniakkanik killilersukkanik piniarneq kiisalu piniakkat killilersukkat atornerarneri pillugit piniarnermut aallaaniarnermullu inatsimmik unioqqutitsinernik tunngasunik takunnissimanernik pasilliutinillu tigusaqarsimasoq.

Ulloq 14. november 2018 apeqquqteqaat aallaavigalugu Inatsisartuni oqallineq pivoq, sammineqarluni Jens Napaattuup (PN) oqallisissiaa piniakkat killilersukkat Avanersuaq, Ittoqqortoormiut Tasiilarlu eqqarsaatigalugit killilersorneqarunnaarnissaat anguniarlugu oqallisissiaq.

Piniakkanik killilersukkanik piniarneq kiisalu piniakkat killilersukkat atornerarnerat pillugu piniarnermut aallaaniarnermullu inatsimmik unioqqutitsinernik tunngasunik pasilliinerit takkussimasut pillugit Naalackersuisut aamma Piniarnermut, Aalisarnermut Nunalerinermullu Naalackersuisoq ulloq 14. November 2018 ilisimareersimavaat?

2. Apeqquq 1 angerneqarpat: ulloq 14. November 2018 inersuarmi oqallinnerup qiterisaa innersuussutigalugu: Piniakkanik killilersukkanik piniarneq kiisalu piniakkat killilersukkat atornerarnerat pillugu piniarnermut aallaaniarnermullu inatsimmik unioqqutitsinernik tunngasunik nalunaaquteqartoqarsimanera sumik patsiseqartumik Naalackersuisut kiisalu Piniarnermut, Aalisarnermut Nunalerinermullu Naalackersuisup Inatsisartunut ilisimatitsissutigingilaat?
3. Ulloq 6. December 2018 qilalukkanik qernertanik politikikkut aalajangikkamik Naalackersuisut pisasseeqqipput, tassalu Qimusseriarsuarmut kiisalu Qeqertarsuup Tunuanut.

Ulloq 6. December 2018 aalangiinerminni Naalackersuisut ilisimasimavaat piniakkanik killilersukkanik piniarneq kiisalu piniakkat killilersukkat atornerarnerat pillugu piniarnermut aallaaniarnermullu inatsimmik unioqqutitsinernik tunngasunik nalunaaquteqartoqarsimanera, Upernaviup eqqaa Qeqertarsuullu Tunua aamma tassani ilaallutik?

4. Apeqquq 3 angerneqarpat: Pisasseeqqittoqarnissaanik politikikkut aalajangikkamut ullormi 6. December 2018 aalangernermi suna tunngaviuva, tassani ilisimareerneqarsimappat piniakkanik killilersukkanik piniarneq kiisalu piniakkat killilersukkat atornerarnerat pillugu piniarnermut aallaaniarnermullu inatsimmik unioqqutitsinernik tunngasunik nalunaaquteqartoqarsimanera, tassani ilaallutik Upernaviup eqqaa aamma Qeqertarsuup Tunua?

5. Apeqquut 3 angerneqarpat: Immikkut pisasseeqqittoqarnissaanik Naalakkersuisut aalajangernerminni qulakkeersimavaat immikkut pisassiissutaasut piniartunut maleruagassanik unioqqutitsinngitsunut tutsinneqarnissaat?
6. Piniarnermut aallaaniarnermullu inatsimmik unioqqutitsisoqarsimaneranut tunngasut pillugit politikikkikut aalajangikkamik pisasseeqqinnissaq sioqqullugu Piniarnermut, Aalisarnermut Nunalerinermullu Ataatsimiititaliaq Naalakkersuisumit ilisimatinneqarpa?
7. Apeqquut 6 angerneqarpat: Ataatsimiititaliaq ilisimatitsineq qanga piva?
8. §37 naapertorlugu apeqquuteqaammut 321-2018-mut akissutitigut ersertoq piniarnermut aallaaniarnermullu inatsimmik unioqqutitsisimanermit tunngasut qangarpiq Naalakkersuisut ilisimalerpaat?
9. Piniarnermut aallaaniarnermullu inatsimmik unioqqutitsisoqartillugu – piniakkat killilersukkat taakkulu qanoq atorneqarnerannut tunngasut eqqarsaatigalugit – piniarsinnaanermik allagartanik arsaarinnittoqartarnissaa Naalakkersuisut eqqarsaatigaat?

(Inatsisartuni ilaasortaq Sofia Geisler, Inuit Ataqtigiit)

Tunngavilersuut:

§37 naapertorlugu apeqquuteqaammut 321-2018 akissummi erserpoq piniarnermut aallaaniarnermullu inatsimmi aalajangersakkanik piniakkanut killilersukkanut taakkulu qanoq atorneqarnissaannut tunngasunik unioqqutitsisoqartarneranik pasilliinerit pillugit Naalakkersuisut ukiarmili ilisimasaqareersimasut.

Tupigusuutigaara ilisimasaq taanna avammut siusinnerusukkulli ilisimatitsissutaasimanngimmat. Paasissutissat siusinnerusukkut pisimannginnerannut patsisissaqarluarsinnaavoq, tupigusuutiginerpaasarali tassaavoq §37 naapertorlugu apeqquut aqqutigalugu paasissutissat pineqartut aatsaat avammut nalunaarutigineqarmata.

Kissaatigivara apeqqutikka ullut suliffiusut qulit qaangiutinnginneranni akineqarnissaat.